

**JABATAN KESELAMATAN DAN KESIHATAN PEKERJAAN MALAYSIA****(Kementerian Sumber Manusia)**Department Of Occupational Safety & Health  
(Ministry Of Human Resources)  
Aras 2, 3 & 4, Block D3, Kompleks D  
Pusat Pentadbiran Kerajaan Persekutuan  
62530 W.P. PutrajayaTel. : 03 – 88865343  
Fax : 03 – 88892443  
Web : <http://dosh.gov.my>  
Email : [jkkp@mohr.gov.my](mailto:jkkp@mohr.gov.my)Ruj. Tuan :  
Ruj. Kami : JKPP IS/127/682/6-78  
Tarikh : 20 Mei 2015Pengurus,  
**KAWAHARA ENGINEERING WORKS SDN BHD**  
No. 3, Jalan SC 2,  
Pusat Perindustrian Sg. Chua,  
43000 Kajang,  
Selangor

Tuan,

**Kelulusan Pembaharuan Pendaftaran Sebagai Syarikat Memasang, Menyenggara dan Memeriksa Lif Elektrik Penumpang & Barang, Eskalator dan Dumbwaiter****No. Pendaftaran : L / 78**  
**Tempoh Kelulusan : 15 Mei 2015 hingga 15 Mei 2018**  
**Orang Kompeten : Chong Soon Khong (810128-10-5309)**

Saya merujuk kepada permohonan tuan berhubung perkara di atas.

2. Sukacita dimaklumkan bahawa Jabatan ini meluluskan pendaftaran syarikat tuan sebagai **Firma Lif yang diiktiraf bagi Memasang, Menyenggara dan Memeriksa Lif Elektrik Penumpang dan Barang, Eskalator dan Dumbwaiter** seperti berikut -

Bil	Jenis Jentera	Pembuat	Jenama
1.	Platform / Home Lift	<b>Sele Srl</b> 40055 Castenaso (BO), Via XXV Aprile 1945 n. 63, Italy	Sele
2.	Platform Lift	<b>Aritco</b> Energivagen 7, 19632, Kungsangen, Sweeden	Aritco
3.	Platform / Stairlift	<b>Hiro Lift</b> Meller Strabe 6, 33613 Bielefeld	Hiro

3. Kelulusan pendaftaran ini adalah tertakluk kepada syarat-syarat berikut:-

- (i) **Orang Kompeten Lif** yang akan bertanggungjawab ke atas kerja-kerja memasang, menyenggara dan memeriksa lif hendaklah digaji oleh syarikat tuan. Syarikat tuan juga dikehendaki menambah bilangan orang kompeten mengikut pertambahan jumlah beban kerja. Sekiranya orang kompeten yang sedia ada telah meninggalkan syarikat, pihak tuan dikehendaki memberitahu Jabatan ini dengan menamakan calon pengganti. Calon pengganti ini akan melalui proses pendaftaran dan temuduga sebelum diiktiraf sebagai Orang Kompeten Lif.

- (ii) Kakitangan teknikal seperti jurutera, penyelia dan juruteknik yang berkelayakan dan berkebolehan hendaklah digajikan. Mereka hendaklah diberikan latihan yang sesuai dari masa ke semasa.
- (iii) Bilangan kakitangan teknikal yang mencukupi hendaklah digajikan, sesuai dengan jumlah bilangan lif dan eskalator yang dipasang dan diselenggara.
- (iv) Rekabentuk dan pembinaan lif mestilah mematuhi kehendak Peraturan-peraturan (Lif Letrik Penumpang dan Barang-barang) Kilang dan Jentera 1970. Lif tersebut hendaklah dibina mengikut salah satu daripada kod-kod rekabentuk seperti EN 81/ MS 2021 atau kod yang setara. Manakala bagi eskalator hendaklah mengikut EN 115 / MS 1918 atau kod-kod yang setara.
- (v) Sebelum kerja-kerja memasang lif, eskalator atau dumbwaiter dijalankan, pihak tuan hendaklah mendapatkan kelulusan rekabentuk dari Seksyen Rekabentuk, Bahagian Keselamatan Industri, di Jabatan ini terlebih dahulu.
- (vi) Bagi tujuan pemeriksaan pertama dan ujian terhadap lif yang dipasang, pihak tuan dikehendaki mengemukakan dokumen-dokumen (*salinan asal*) berikut kepada pihak JKPP Negeri yang terlibat seperti sijil pembuat, sijil komponen keselamatan, sijil *wire rope* dan yang berkaitan.
- (vii) Sekiranya syarikat tuan ingin menjalankan kerja-kerja senggaraan ke atas lif dan eskalator selain daripada jenama yang telah diluluskan seperti di atas, pihak tuan dikehendaki mendapat kebenaran secara bertulis daripada Jabatan ini terlebih dahulu.
- (viii) Pihak tuan hendaklah memastikan keselamatan dan kesihatan pekerja-pekerja tuan dan orang-orang lain yang terjejas oleh aktiviti kerja syarikat tuan. Kehendak-kehendak Akta Kilang Dan Jentera 1967, Akta Keselamatan dan Kesihatan Pekerjaan 1994 dan Peraturan-Peraturan yang dikuatkuasakan dari semasa ke semasa hendaklah dipatuhi.
- (ix) Semua rekod-rekod yang sesuai hendaklah disimpan dengan sempurna terutamanya rekod-rekod mengenai kelulusan rekabentuk, pemasangan, penyenggaraan, pemeriksaan lif, latihan kakitangan dan rekod penggajian. Rekod-rekod ini juga akan disemak semasa membuat permohonan pembaharuan pada masa akan datang.

4. Sekiranya ingin memperbaharui pendaftaran, pihak tuan dikehendaki memohon dengan jabatan ini **sekurang-kurangnya tiga (3) bulan** sebelum tarikh tamat tempoh kelulusan.

5. Perlu diingatkan bahawa kelulusan ini boleh ditarik balik pada bila-bila masa sekiranya syarat-syarat diatas dan lain-lain syarat Jabatan ini tidak dipatuhi.

6. Sekiranya pihak tuan bersetuju untuk mematuhi syarat –syarat diatas, sila maklumkan ke Jabatan ini secara bertulis dalam masa **empat belas (14) hari** dari tarikh surat ini dikeluarkan.

Sekian, terima kasih.

**“BERKHIDMAT UNTUK NEGARA”**

Saya yang menurut perintah,

  
**(Ir. IBRAHIM BIN MD. DOL)**

b/p Ketua Pengarah

Jabatan Keselamatan dan Kesihatan Pekerjaan Malaysia